

Modtaget 29.10.2012 kl. 11.15

Oversat fra dansk til grønlandsk

Aatsitassanut Ikummatissanullu Aqutsisoqarfik

Box 930

3900 Nuuk

**Tusarniaanermut akissut: Avatangiisimut sunniutit soorluttaa inuiaqatigiit  
piujuaannarnissaanut nalilersuinerit pillugit – London Mining-ip saviminissarsiorfissaanut  
Nuup eqqaaniittumut**

Aatsitassanut Ikummatissanullu Aqutsisoqarfiup tusarniaavik [www.nanoq.gl](http://www.nanoq.gl) aqqutigalugu nassiuppa ”Avatangiisimut Sunniutinut Nalilersuineq” kiisalu ”Inuiaqatigiit piujuaannarnissaat pillugu Nalilersuineq” London Mining’ip Nuup eqqaani saviminissarsiorfissaanut attuumassuteqartumik ammasumik tusarniaanerani. Tusarniaanermut killissarititaq 19. Oktober 2012-iuvoq.

19. oktober 2012-imi ullulerneqartumi allakkami Aatsitassanut Ikummatissanullu Aqutsisoqarfimmut nalunaarutigaaara Politi’t tusarniaanermut nalilersugassamik pissarsisimanngittut. Tamanna tunngavigalugu Aatsitassanut Ikummatissanullu Aqutsisoqarfimmit nalunaarfigineqarpunga oktober 23 – 2012-imi politi’t tusarniaanermut akissutaat qilanaarigitsik pissarsiarissallugu, tamanna pissalluni ullut 14-it ingerlaneranni soorlu siunnersuutigereersimagiga.

Matumuuna oqaaseqaatissakka saqqummiutissavakka nalilersuutinut marluusunut.

Erseqqissassavara pissutsinut killilerneqarmata nammineerlunga naliliininnut, avatangiisimut sunniutinut inuiaqatigiillu piujuarnissaannut attuumassutilinnut. Immineq piginnaatippunga isumaqassallunga politi’t suliap ingerlanerani akuutinneqarnissaat ilimagissallugu pilersaarummut attuumassuteqartunut allanut politi’t sulianut akisussaaffeqarfigissaanut kalluaasinnaasunut.

## **Avatangiisit pillugit sunniutitut nalilersuineq**

Nalilersuinermi kap. 7.4.3 mingutsitsineq imaani uumasooqarfinnut attuumassuteqartumi nalilersuineq pillugu, kap. 6.2.8-mut innersuussisoqarpoq, Nuup Kangerluani mingutsitsisinnaaneq pillugu eqqartorneqarsimasumi. Tassunga attuumassutilimmik suliani saqqummiunneqarsimasuni paasisaqaangilanga kapitali eqqartorneqartoq 6.2.8 sumiinnera pillugu.

*Inatsisartut inatsisaanni Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut Inatsisaat nr. 14, 26. Maj 2010-meersumi § 13, imm. 1-imi atuarneqarsinnaavoq una: ”ajutoormik ajunaarnersuarmillu pisoqartillugu ataatsimoortumik suliniarnissaq politimesterimit ataqatigiissaarneqassaaq.”* Naammagisimaarlugu paasivara avatangiisit pillugit nalilersuinermi oqaatigineqartoq, upalungaarsimanissamik pilersaaruteqartoqassasoq avatangiisit pillugit ajutoortoqartillugu atorneqartussamik (assersuutigalugu kap. 9.1 aamma 9.3). Nalilersuisimanermi ilanngussaniluunniit (pingaartumik ilanngussaq 10) paasisimasaaqalinngilanga sukumiinerusumik upalungaarsimanissaq pillugu nassuiaateqarneranik. Ilanngussaq 10, kap. 9-mi paasinarsivoq upalungaarsimanissamut missingiut ilanngussap ilaanni (appendix) D-mi pissarsiassaasoq, taannalu allakkamut avissaangasumut allamut innersuussutaannaalluni. Allagaq pineqartoq saqqummiunneqarsimananilu uannut nassiunneqarsimanngilaq.

Tassunga attuumassutilimmik immineq piginnaatippunga upalungaarsimanissamut pilersaarutip missingiutaa pillugu qinnuigissallusi tusarniaassutigineqaqqullugu Kalaallit Nunaanni Politi’nut, soorlutaaq Kalaallit Nunaanni Politi’t suliap pineqartup ingerlanneqarnerani siunnersuisutut atuussinnaatillugit piginnaatikkikka.

Naggataatigut immineq piginnaateqqissaanga innersuussutigissallugu upalungaarsimanissamut pilersaarutit inerniliussamik aalajangiunneqartut pilersaarutip aallartinnissaa sioqqullugu, piffissaagallartillugu pissarsiarineqarsinnaanngoriissasut, taamaalilluni attuumassutillit tamarmik

pilersaarutit pillugit ilisimasaqaleqqullugit taamaaliornikkullu pisuussaartitsilluni sungiusarnissamut il.il. eqqarsaatersuuteqarnissaat pillugu.

### **Inuiaqatigiit piujuaannarnissaat pillugu nalilersuineq**

Nalilersuinermi ilaatinneqanngilaq politi't tunngaviumik suliaasa paasinaqqissaarneqarneri pilersaarummut atatillugu. Tassunga tunngasumik paasinninnera naapertorlugu, inuiaqatigiit piujuaannarnissaat pillugu nalilersuineq tamakkiisuunngilaq oqaatigineqartut paasinaqqissaarneqarsimangippata. Taamaattumik immineq piginnaatippunga innersuussutigissallugu paasinaqqissaarneq pineqartoq nalilersuinermit tapiliunneqassasoq. Ataani taakkartorneqarput sammisassat assigiinngitsut paasinnittaasera naapertorlugu ilanngunneqartariaqartut.

#### Kapitali 1.3. aamma 9:

Kapitalini atuarneqarsinnaavoq oqartussat kattufiillu sorliit il.il., VSB-mik suliap ingerlanneqarnerani apersorneqarsimanersut. Tassani atuarneqarsinnaavoq Kalaallit Nunaanni Politi't peqataatinneqarsimanginnerat. Soorluttaaq atuarneqarsinnaasoq Grønlands Kommando (31. Oktober 2012-imiit Arktisk Kommando-mik taajuuteqalersoq) peqataatinneqarsimangitsaq. Grønlands Kommando pingaarutilimmik imaatigut annaasinianermi, imaatigut isumannaallisaanermi mingutsitsinermilu akiuinissamut suliaqartuummat immineq piginnaatippunga kommando suliami peqataatinneqaqqullugu.

#### Kapitali 2.1:

Kapitalimi atuarneqarsinnaavoq, Nunatsinni innuttaasut ”danskisut passeqartut, allatullu iliuuseqanngikkaluarluni danskisut pisinnaatitaaffeqartitsisoq passi”. Paasinnittaasera naapertorlugu allaaserisaq eqqortuunngilaq, tassami Kalaallisut innuttaassusillit danskisut naalagaaffimmi innuttaassuseqarmata Naalagaaffiup sinnerani pisinnaatitaaffiit atugassallu assinganik atugassaqarlutik – soorunami taamaattumik danskisut passeqartuullutik.

#### Kapitali 2.2.1:

Kapitalimi atuarneqarsinnaapput Inatsit pingaarneq pillugu allagaq, pilersaarummik malittarisassiuisoq. Paasinninnera naapertorlugu Inatsisartut Inatsisaat nr. 14, 26. Maj 2010 (upalungaarsimanissamut inatsit) § 13, imm. 1 iluaqutaasumik tassunga atuumassuteqartillugu eqqaaneqarluarsinnaavoq.

### Kapitali 5.3:

Kapitalimi atuarneqarsinnaapput Namminersorlutik Oqartussat kommunillu pillugit allaaserisaq. Tassunga attuummaassutilimmik amigaateqarsoraara Naalagaaffiup oqartussa qarfiisa allaaserineqarsimaneri, pingaarutilimmik suliaartuummata pilersaarummut tunngatillugu. Assersuutigalugu Suliffeqarfinnik Nakkutilliisut (AT), Grønlands Kommando, Imarsiornermik Nakkutilliisut, Kalaallit Nunaanni Eqqartuusiviit Politi'llu.

### Kapitali 5.7.34:

Paasinnittaasera naapertorlugu kapitali ersarluppoq paasissutissanillu kukkunilinnik arlariinnik imaqarluni. Kapitalimi ilaatinneqarput ilaatigut Kalaallit Nunaanni Politi't pillugit allaaserisaq annikittuararsuaq. Allaaserinnineq kukkuvoq, tassami politi kreditsit sisamanngorlugit agguagaapput tamarmik qitiusumik ataatsimik politeeqarfeqartinneqarlutik taassumallu saniatigut politeeqarfiit inoqarfinni piullutik. Kapitalimi allaaserineqarportaaq 2014-imi parnaarussivimmik matoqqasumik ammaasoqarumaartoq. Ulluliisimaneq eqqunngilaq. Tassunga atasumik immineq piginnaatippunga siunnersuutigissallugu Kalaallit Nunaanni pinerluttunik isumaginnittunut saaffiginneqqullugit allaaserisaq pinerluttunik isumaginnittut pillugit atugaat eqqortoq pissarsiareqqullugu. Soorluttaaq kapitalimi allaaserineqarsimasoq "Kalaallit Nunaanni eqqartuusiviit Qaffasinnerpaartaat" (Grønlands højesteret), eqqortumik taaguuteqarpoq "Kalaallit Nunaanni Eqqartuusiviit" (Grønlands Landsret), tassami Højesteret Naalagaaffik tamakkerlugu atuuttuuvoq, København-imi inissisimalluni. Kalaallit Nunaanni pinerluttarneq pillugu kapitalimi aamma allaaserineqarpoq. Immikkoortoq kukkuneqartiterpoq, taamaattumik siunnersuutigaara, pitsaassusissaa pillugu misissoqqissaarneqaqqullugu. Kalaallit Nunaanni Politi't matumani siunnersuisutut suliami suleqataasinnaapput.

### Kapitali 6.3:

Kapitalimi ilaatigut allaaserineqarput sanaartornerup- ingerlatsinerullu nalaanni pisortanit ikiorsiissutit sunniutaat. Tamatumani allaaserineqarlutik, angallannikkut nunanit allanit nunamut

isaaniartut sullissisunut annertunerusumik suliaqalernermik kinguneqartitsissasut, tassani nunamiisinnaatitaanermut- sulisinnaanermullu akuersissutit suliarineqarnerat peqquataalluni. Naliliineq tamanna isumaqatigaara. Ilutigitillugu innersuussutigissavara nalilersuineq annertusineqassasoq suliassanut nunamit allamiit nunamut isilernermit- aallalernermilu misissuinermut inuttassanik atuinermut, pilersaarutip sanaartorneqarnerata ingerlanneqarneratalu nalaani.

#### Kapitali 6.4:

Kapitalimi allaaserineqarput inooqatigiinnermi atukkat pilersaarummut tunngatillugu. Tassunga pisumik paasivara pinerlunniartarsinnaaneq nalilersuinermit ilaatinneqanngitsoq. Tassunga atasumik innersuussutigissavara nalilersuisoqaqqullugu pilersaarutimit pinerlunniartarneq qanoq sunnerneqassanersoq, tassani pinerluttulerinermit inatsit inatsillu immikkuullarisoq (særloven) ilanngullugit – taassuma ataani pinerlunniarnerit immikkuullarissut, pilersaarutip sanaartorneqarnerata ingerlanneqarneratalu atuutilersitai. Assersuutigalugu nakuusertoqarsinnaanera, tillinniartarneq, avatangiisinut-, piniarnermut pinngortitamullu malittarisassanik unioqqutitsineq, sulinermit avatangiisit pillugit inatsimmik unioqqutitsineq kiisalu aanngajaarniutit inerteqqutit tikisinneqartarnerat atorineqarnerallu pillugit.

#### Allat:

Inuiaqatigiit piujuaannarnissat pillugu nalilersuinermit annaasiniartarnermit periarfissat pillugit iliuuseqartoqarsinnaanera pillugu paaaviup eqqaani avatangiisaanilu qanittumi ungasinnerusumilu soorluttaaq angallatini tikikkiartortuni aallartunilu nalilersuisoqarsimannngilaq sanaartornerup- ingerlatsinerullu nalaanni pissusiusussat pillugit. Immineq piginnaatippunga innersuussutigissallugu nalilersuineq pineqartunut suliarineqaqqullugu.

Ikinngutinnersumik inuulluaqqusillunga

Bjørn Tegner Bay

Politimesteri

